



Adroddiad Arolygu

Beth Thomas

Aberhonddu

This report is also available in English

Mae'r adroddiad hwn hefyd ar gael yn Saesneg



Dyddiad Cwblhau'r Arolygiad

26/04/2023

Ynglŷn â'r gwasanaeth

Y math o ofal a ddarperir	Gwarchodwr Plant
Lleoedd cofrestredig	10
Iaith y gwasanaeth	Y ddwy
Arolygiad blaenorol Arolygiaeth Gofal Cymru	Nodi â Llaw] Yr arolygiad cyntaf ers cofrestru
A yw hwn yn wasanaeth Dechrau'n Deg?	Nodi â Llaw] Nac ydy
A yw'r gwasanaeth hwn yn darparu'r Cynnig Rhagweithiol ar gyfer y Gymraeg?	Mae'r gwasanaeth hwn yn gweithio tuag at ddarparu 'Cynnig Rhagweithiol' ar gyfer y Gymraeg ac mae'n gwneud cryn ymdrech i hyrwyddo'r defnydd o'r Gymraeg a diwylliant Cymru.

Llywodraeth Cymru © Hawlfraint y Goron 2023.

Cewch ddefnyddio ac aildefnyddio'r wybodaeth sydd yn y cyhoeddiad hwn (ac eithrio'r logos) yn ddi-dâl, mewn unrhyw fformat neu gyfrwng, o dan delerau'r Drwydded Llywodraeth Agored. Gallwch weld y Drwydded Llywodraeth Agored ar wefan yr Archifau Gwladol, neu gallwch ysgrifennu at The Information Policy Team, The National Archives, Kew, London, TW9 4DU, neu anfon e-bost i: psi@nationalarchives.gsi.gov.uk

Rhaid i chi atavnhwrchu ein deunydd yn fanwl gwir a nheidio â'i ddefnyddio mewn cvd-destun

<u>Llesiant</u>	Da
<u>Gofal a Datblygiad</u>	Da
<u>Yr Amgylchedd</u>	Da
<u>Arweinyddiaeth a Rheolaeth</u>	Da

I gael rhagor o wybodaeth am raddau, gweler diwedd yr adroddiad hwn

Crynodeb

Mae'r plant yn hapus ac yn teimlo'n ddiogel yng ngofal y gwarchodwr plant. Maent yn setlo'n dda ac yn datblygu cydberthnasau cadarnhaol â'u ffrindiau, eu gwarchodwr plant a'r cynorthwywyr. Mae'r plant yn hyderus i fynegi eu syniadau a'u barn ac yn gwneud penderfyniadau am eu gofal a'u chwarae yn aml. Mae'r plant yn gwneud cynnydd da ac yn datblygu eu hannibyniaeth.

Mae'r gwarchodwr plant a'r cynorthwywyr yn ymatebol iawn ac yn rhoi sylw i'r plant. Maent yn eu trin mewn ffordd gynnes a magwrus ac yn fodolau rôl da. Maent yn adnabod y plant yn dda iawn, yn diwallu eu hanghenion unigol ac yn bodloni eu dymuniadau unigol.

Mae cartref y gwarchodwr plant yn addas i blant ac mewn cyflwr da. Mae'r plant yn cael gofal mewn amgylchedd diogel a glân. Mae digon o le a digon o adnoddau er mwyn annog y plant i chwarae a dysgu. Mae'r teganau a'r cyfarpar chwarae yn hybu chwilfrydedd y plant ac maent mewn cyflwr da.

Mae'r gwarchodwr plant yn rheoli'r lleoliad yn effeithiol, yn unol â'r Safonau Gofynnol Cenedlaethol a rheoliadau. Mae ystod o bolisiau a gweithdrefnau ar waith i sicrhau bod y lleoliad yn rhedeg yn ddidrafferth. Mae'r rhieni yn llawn canmoliaeth i'r lleoliad.

Caiff y plant lawer o gyfleoedd i wneud dewisiadau a phenderfyniadau. Maent yn symud yn rhydd rhwng yr ystafell chwarae a'r ardd, gan ddewis o blith y teganau a'r gweithgareddau sydd ar gael iddynt yn frwdfrydig. Gall y plant fynegi eu hunain yn hyderus gan eu bod yn gwybod y bydd y gwarchodwr plant yn gwranddo ar eu syniadau a'u barn. Fe'u clywsom yn sgwrsio'n hapus â'r gwarchodwr plant gan rannu eu syniadau ac arwain eu chwarae.

Mae'r plant yn cael hwyl yn y lleoliad ac yn meithrin cydberthnasau cynnes a chariadus â'r gwarchodwr plant. Maent yn mwynhau bod yn ei chwmni ac yn ei chynnwys yn eiddgar yn eu chwarae. Gwelsom y plant yn gofyn am faldod ac am help i fwyta eu cinio. Mae'r plant yn gyfarwydd iawn ag arferion y lleoliad sy'n gwneud iddynt deimlo'n ddiogel, yn gyfforddus ac yn eu galluogi i ymlacio. Mae'r plant yn gwybod y bydd y gwarchodwr plant yn helpu i ddatrys unrhyw broblemau a allai fod ganddynt.

Mae'r plant yn gwneud ffrindiau ac yn rhyngweithio'n dda â'i gilydd. Maent yn chwarae'n hapus â'i gilydd, gan wenu a chwerthin yn aml. Mae'r plant yn rhannu adnoddau ac yn cymryd eu tro'n dda. Gwelsom y plant yn cydweithio, ac yn annog ei gilydd i orffen eu bwyd, gan hyd yn oed fwydo ei gilydd. Mae'r plant yn mwynhau cymdeithasu amser bwyd; maent yn eistedd yn daclus wrth y bwrdd, yn defnyddio moesau da ac yn sgwrsio'n hapus â'r gwarchodwr plant.

Mae'r plant yn amlwg yn mwynhau eu chwarae ac yn elwa ar ddewis eang o gyfleoedd chwarae a dysgu. Maent yn canolbwyntio am gyfnodau priodol o amser yn unol â'u hoedran a'u cam datblygiad ac yn cymryd rhan lawn yn eu gweithgareddau. Mae'r plant yn cael cyfleoedd dyddiol i fwynhau allan yn yr awyr agored ac yn dod yn gyfarwydd â'u hamgylchedd lleol. Maent yn chwarae yn yr ardd, yn mwynhau mynd am dro, ar deithiau a gwibdeithiau i atyniadau lleol.

Mae'r plant yn gwneud cynnydd ac yn datblygu'n dda iawn yn ôl eu pwysau eu hunain. Maent yn datblygu eu hyder. Caiff y plant gyfleoedd addas i arfer eu sgiliau annibyniaeth, sy'n helpu i hybu eu hunan-barch ac yn eu galluogi i wneud pethau drostynt eu hunain. Maent yn gallu cael gafael ar adnoddau yn hawdd ac yn tacluso teganau pan fyddant wedi gorffen chwarae â nhw. Roedd y plant yn cael eu hannog i fwydo eu hunain ac yn cael cymorth pan oedd ei angen.

Mae gan y gwarchodwr plant ddealltwriaeth dda o sut i gadw'r plant yn ddiogel ac yn iach. Mae hi wedi cael yr hyfforddiant diogelu diweddaraf ac yn deall pa weithdrefnau i'w dilyn pe byddai ganddi unrhyw bryderon am blentyn. Mae ei hyfforddiant cyfredol mewn cymorth cyntaf yn ei galluogi i ddelio â mân ddamweiniau yn hyderus. Mae systemau addas ar waith i gofnodi damweiniau a digwyddiadau ac i roi meddyginiaethau yn ddiogel. Mae'r gwarchodwr plant yn darparu amrywiaeth o fyrbrydau iachus. Mae'n paratoi bwyd mewn ffordd hylan ac yn annog arferion hylendid da gyda'r plant. Er enghraifft, mae'r gwarchodwr plant yn gwneud yn siŵr bod y plant yn golchi eu dwylo ar adegau priodol, fel pan fyddant yn dychwelyd i mewn ar ôl chwarae yn yr awyr agored ac ar ôl mynd i'r toiled. Mae'r gwarchodwr plant yn darparu digon o gyfleoedd i'r plant fynd allan i'r awyr agored a mwynhau manteision bod yn yr awyr iach.

Mae gan y gwarchodwr plant ddull hyfryd o ymdrin â'r plant ac mae'n rhoi gofal cynnes a magwrus iddynt. Mae ganddi ddealltwriaeth dda o ddatblygiad plant a'r ffordd y mae hyn yn effeithio ar ymddygiad plant. Mae'r gwarchodwr plant yn rhoi strategaethau defnyddiol ar waith i gefnogi a hybu ymddygiad cadarnhaol. Er enghraifft, mae'n defnyddio ymarfer myfyriol i'w helpu i nodi ffactorau sy'n sbarduno gwahanol fathau o ymddygiad. Clywsom y gwarchodwr plant yn annog ac yn canmol y plant yn aml am eu hymdrechion ac am ryngweithio'n gadarnhaol. Mae'r gwarchodwr plant yn helpu'r plant i wneud dewisiadau am ble yr hoffent chwarae a beth yr hoffent chwarae ag ef, sy'n helpu i hybu eu hunan-barch a'u hunanhyder.

Mae'r gwarchodwr plant yn cefnogi dysgu a datblygiad y plant yn effeithiol. Mae'n arsylwi'n rheolaidd ar y plant yn chwarae ac yn dysgu. Fodd bynnag, ni chaiff pob arsylwad ei gofnodi er mwyn dangos tystiolaeth glir o gynnydd neu er mwyn cynllunio ar gyfer y camau nesaf. Mae amrywiaeth dda o weithgareddau a llawer o gyfleoedd ar gyfer chwarae rhydd yn galluogi'r plant i ddilyn eu diddordebau eu hunain sy'n eu cymell i ddysgu. Mae'r gwarchodwr plant yn hyrwyddo dysgu'r plant yn naturiol wrth iddynt chwarae. Er enghraifft, fe'i clywsom yn gofyn i'r plant enwi lliwiau, siapiau, ac anifeiliaid wrth iddynt gymryd rhan mewn gweithgareddau.

Mae gan y gwarchodwr plant nifer o gynorthwywyr sy'n gweithio ochr yn ochr â hi. Caiff yr holl wiriadau perthnasol eu cwblhau a chaiff sesiynau goruchwylio rheolaidd eu cynnal. Roedd yn amlwg fod cydberthynas waith dda rhwng y gwarchodwr plant a'r cynorthwywyr.

Mae'r gwarchodwr plant yn darparu amgylchedd croesawgar a chyfeillgar i'r plant. Mae'n gwneud yn siŵr bod y safle yn ddiogel. Er enghraifft, roedd y drysau ar glo pan wnaethom gyrraedd, a gofynnwyd i ni lofnodi cofnodlyfr ymwelwyr. Mae'r gwarchodwr plant yn cynnal gwiriadau gweledol dyddiol i sicrhau nad oes unrhyw risgiau posibl i ddiogelwch y plant yn unrhyw ran o'r cartref. Mae gan y gwarchodwr plant asesiadau risg ar waith sy'n nodi ac yn rheoli peryglon posibl i'r plant yn effeithiol. Mae hi hefyd yn cwblhau asesiadau risg ar gyfer unrhyw wibdeithiau. Mae ymarferion tân rheolaidd yn sicrhau bod y plant yn gwybod sut i adael y safle yn ddiogel mewn argyfwng, ond mae angen eu cofnodi'n gliriach. Mae'r gwiriadau cynnal a chadw ar gyfer y cartref a dyfeisiau yn gyfredol. Mae gan y gwarchodwr plant yswiriant atebolrwydd cyhoeddus cyfredol.

Mae'r amgylchedd yn lân ac mewn cyflwr da. Mae'n darparu ardal olau a lliwgar i'r plant chwarae a dysgu. Mae'r plant yn gallu mynd i'r lolfa, yr ystafell ymolchi lawr llawr, y gegin ar gyfer prydu/byrbrydu a gweithgareddau bwrdd, a'r ardd er mwyn chwarae yn yr awyr agored. Mae amrywiaeth eang o adnoddau ar gyfer oedrannau a champau datblygu'r plant yn y lolfa. Mae hyn yn cynnwys posau, gemau, cegin a siop chwarae rôl pren, a deunyddiau celf a chrefft. Caiff amrywiaeth o lyfrau, gan gynnwys llyfrau Cymraeg, eu harddangos mewn ffordd ddeniadol ar silffau llyfrau lefel isel pren. Mae llyfrau, posteri a gemau Cymraeg yn hybu'r Gymraeg ymhellach. Mae amrywiaeth o adnoddau amlddiwylliannol megis llyfrau, doliau a phosau yn hyrwyddo ymwybyddiaeth y plant o'r gymdeithas amlddiwylliannol maent yn byw ynddi. Caiff teganau eu storio mewn ffordd sy'n galluogi'r plant i gael gafael arnynt yn annibynnol. Mae ardal awyr agored groesawgar ar gael i'r plant chwarae. Mae hyn yn cynnwys ardal laswellt artiffisial er mwyn gallu chwarae ym mhob tywydd, sleid, teganau reidio, teganau cydbwyso, hambwrdd dŵr/tywod ac ardaloedd ar gyfer chwarae mwdlyd a phlannu a thyfu.

Mae'r teganau a'r cyfarpar o ansawdd da, yn lân ac yn gweithio'n dda. Dywedodd y gwarchodwr plant wrthym ei bod yn newid y teganau a'r adnoddau yn aml er mwyn darparu amrywiaeth a dewis i'r plant. Mae'r amgylchedd hefyd yn cynnwys dodrefn ac adnoddau o faint addas i gefnogi annibyniaeth y plant. Er enghraifft, uned storio lefel isel, bwrdd a chadeiriau o faint addas i blant, a gris a photi yn y toiled.

Mae'r gwarchodwr plant yn broffesiynol ac yn rheoli ei lleoliad yn effeithiol. Mae'n frwdfrydig ac yn sicrhau ei bod yn ymwybodol o ddatblygiadau arferion gorau ym maes gofal plant. Mae'r datganiad o ddiben yn helpu'r rhieni i wneud dewis gwybodus o ran a yw'r gwasanaeth yn diwallu anghenion eu plentyn. Mae'r gwarchodwr plant wedi datblygu ystod o bolisiâu a gweithdrefnau sy'n cael eu hadlewyrchu yn ei harferion. Mae'r holl waith papur angenrheidiol wedi'i gwblhau ac wedi'i drefnu a'i gadw mewn ffordd addas. Mae ffeiliau'r plant yn cynnwys yr holl wybodaeth angenrheidiol i ofalu am blant yn ddiogel.

Mae'r gwarchodwr plant yn ymrwymedig i ddarparu gwasanaeth o ansawdd da i'r plant a'r rhieni. Mae'n fyfyrion ac yn monitro ansawdd y gofal a ddarperir, drwy gasglu safbwyntiau'r rhieni, y cynorthwywyr a'r plant. Defnyddir y wybodaeth hon i ysgrifennu adroddiad sy'n amlinellu cryfderau ac yn nodi meysydd i'w gwella. Er enghraifft, mae'r gwarchodwr plant yn cynnig gwasanaeth casglu a gollwng.

Mae'r gwarchodwr plant yn meddu ar y cymwysterau priodol ac yn ymgymryd â hyfforddiant cymorth cyntaf a diogelu rheolaidd er mwyn sicrhau bod ei sgiliau yn gyfredol. Yn ogystal, mae hi wedi cwblhau amrywiaeth o hyfforddiant pellach er mwyn parhau i ddatblygu'n broffesiynol.

Mae'r gwarchodwr plant yn meithrin cydberthnasau buddiol â'r rhieni. Mae'n gweithio mewn partneriaeth â nhw i sicrhau bod y plant yn ei gofal yn cael y cymorth cywir i ddiwallu eu hanghenion unigol. Caiff polisiâu a gweithdrefnau eu rhannu â'r rhieni cyn i'r plant ddechrau yn y lleoliad. Mae'r rhieni yn darparu llofnod cyffredinol i gadarnhau eu bod yn cytuno â'r gweithdrefnau, er enghraifft ar gyfer rhoi meddyginiaeth, triniaeth feddygol frys a thynnu lluniau, ond mae angen sicrhau bod llofnod wedi'i gael ar gyfer pob plentyn. Mae'r rhieni yn cael y wybodaeth ddiweddaraf am brofiad a datblygiad eu plentyn. Mae'r gwarchodwr plant yn rhoi adborth llafar i'r rhieni bob dydd wrth iddynt gasglu eu plant. Mae'n anfon lluniau atynt o'u plant yn chwarae yn ystod y dydd ac yn cwblhau dyddiaduron dyddiol.

Crynodeb o'r Achos o Ddiffyg Cydymffurfio

Statws	Ystyr pob un
Newydd	Nodwyd yr achos hwn o ddiffyg cydymffurfio yn yr arolygiad hwn.
Adolygwyd	Adolygwyd cydymffurfiaeth yn ystod yr arolygiad hwn ond ni lwyddwyd i'w chyflawni. Mae'r dyddiad targed ar gyfer cydymffurfio yn y dyfodol a chaiff ei brofi yn ystod yr arolygiad nesaf.
Heb Gyflawni	Profwyd cydymffurfiaeth yn ystod yr arolygiad hwn ond ni lwyddwyd i'w chyflawni.
Cyflawnwyd	Profwyd cydymffurfiaeth yn ystod yr arolygiad hwn a llwyddwyd i'w chyflawni.

Rydym yn ymateb i achosion o ddiffyg cydymffurfio â rheoliadau pan gaiff canlyniadau gwael i bobl, a/neu risg i lesiant pobl eu nodi drwy gyhoeddi Hysbysiad(au) Gweithredu â Blaenoriaeth.

Rhaid i'r darparwr gymryd camau ar unwaith i ymdrin â hyn a gwneud gwelliannau. Os bydd darparwyr yn methu â chymryd camau gweithredu â blaenoriaeth erbyn y dyddiad targed, gallwn uwchgyfeirio'r mater at Banel Gwella a Gorfodi.

Hysbysiad(au) Gweithredu â Blaenoriaeth

Rheoliad	Crynodeb	Statws
Dd/G	Ni nodwyd unrhyw achosion o ddiffyg cydymffurfio o'r math hwn yn yr arolygiad hwn	Dd/G

Lle byddwn yn canfod achosion o ddiffyg cydymffurfio â rheoliadau ond na chaiff unrhyw risg uniongyrchol na sylweddol i'r bobl sy'n defnyddio'r gwasanaeth ei nodi, byddwn yn tynnu sylw atynt fel Meysydd i'w Gwella.

Byddwn yn disgwyl i'r darparwr gymryd camau i unioni'r achos a byddwn yn ei ystyried eto yn yr arolygiad nesaf. Lle bydd y darparwr wedi methu â gwneud y gwelliannau angenrheidiol, byddwn yn uwchgyfeirio'r mater drwy gyhoeddi Hysbysiad Gweithredu â Blaenoriaeth.

Maes i'w Wella/Meysydd i'w Gwella		
Rheoliad	Crynodeb	Statws
Dd/G	Ni nodwyd unrhyw achosion o ddiffyg cydymffurfio o'r math hwn yn yr arolygiad hwn	Dd/G

Lle byddwn yn canfod nad yw'r darparwr yn cyrraedd y Safonau Gofynnol Cenedlaethol ar gyfer Gofal Plant Rheoleiddiedig ond nad oes unrhyw risg uniongyrchol na sylweddol i'r bobl sy'n defnyddio'r gwasanaeth, rydym yn tynnu sylw at yr enghreifftiau hyn fel Argymhellion i Gyrraedd y Safonau Gofynnol Cenedlaethol.

Rydym yn disgwyl i'r darparwr weithredu i ymdrin â'r rhain, a byddwn yn eu hystyried yn yr arolygiad nesaf.

Safonau Gofynnol Cenedlaethol	
Safon	Argymhelliad/argymhellion
	Ni nodwyd unrhyw argymhellion mewn perthynas â'r Safonau Gofynnol Cenedlaethol yn ystod yr arolygiad hwn

Pan fyddwn o'r farn y byddai hynny'n ddefnyddiol, mae'n bosibl y byddwn yn gwneud argymhellion arferion gorau. Nod yr argymhellion hyn yw annog lleoliadau sy'n gwneud yn dda i ddod hyd yn oed yn well wrth helpu plant i ffynnu.

Arferion Gorau
Argymhelliad/argymhellion
cwblhau cofnodion manylach o'r ymarferion tân cael y cydsyniad gofynnol gan bob rhiant

Graddau	Ystyr y graddau
Rhagorol	Gwasanaethau sy'n ymrwymedig i welliant parhaus ac sydd â llawer o gryfderau, gan gynnwys enghreifftiau arwyddocaol o ymarfer ac arloesi sy'n arwain y sector. Mae'r gwasanaethau hyn yn darparu gofal a chymorth o ansawdd uchel a gallant ddangos eu bod yn gwneud cyfraniad cadarn tuag at wella llesiant plant.
Da	Gwasanaethau sydd â chryfderau a heb unrhyw feysydd pwysig sydd angen eu gwella'n sylweddol. Maent yn rhagori ar y gofynion sylfaenol yn gyson, gan sicrhau canlyniadau cadarnhaol i blant a hybu eu llesiant yn rhagweithiol.
Digonol	Gwasanaethau lle mae mwy o gryfderau na meysydd i'w gwella. Maent yn ddiogel ac yn bodloni'r gofynion sylfaenol ond mae angen gwelliannau er mwyn hyrwyddo llesiant a gwella canlyniadau i blant.
Gwael	Gwasanaethau lle mae mwy o feysydd pwysig i'w gwella na chryfderau ac mae enghreifftiau arwyddocaol o ddiffyg cydymffurfio sy'n effeithio'n negyddol ar lesiant plant. Lle bydd gwasanaethau yn wael, byddwn yn cymryd camau gorfodi ac yn cyhoeddi hysbysiad diffyg cydymffurfio.

Dyddiad Cyhoeddi 13/06/2023